

CLOPIDOGREL

klop-id-oh-grel

He aha te mahi?

Ka whakamahia te *clopidogrel* kia kore ai e tepetepe ō toto. He whakaiti i te tūpono pā mai o tētahi ikura roro, manawa-hē rānei ki a koe.

Me pēhea te kai?

Me kai te *clopidogrel* e ai ki ngā tohutohu me tētahi inu wai.

Ka aha mēnā ka wareware i a koe tētahi horopeta te kai?

Me wawe tonu te kai i te horopeta. Mēnā he tata ki te wā mō tō horopeta whai ake, me waiho noa te mea kua tāhapa, ā, ka haere tonu anō. Kaua rawa e kai i ngā horopeta e rua i te wā kotahi.

Ka taea anō e koe ētahi atu rongoā te kai?

Ka tukituki pea ētahi rongoā kore ota rongoā ki te *clopidogrel*, tae atu ki:

- ngā pire ārai-whakakakā, pērā i te i te diclofenac (hei tauira, Voltaren®), ibuprofen (hei tauira, Nurofen®), aspirin rānei (hei tauira, Disprin®, kei ngā horopeta whakamauu mamae). Ka kitea ēnei i roto i ētahi rongoā rewharewha me te whurū (hei tauira, Nurofen Cold me te Flu®).
- omeprazole (hei tauira, Losec®)

Me kōrero atu ki tō kaitaka rongoā, rata rānei mō ngā rongoā katoa, whakamaimoatanga rānei e whiwhi ana koe, tae atu ki ngā huaora, ngā hua otaota (hei tauira, ginkgo, St John's wort), ngā whakapōauau rānei.

He aha ngā hua kino ka rongo pea koe?

Ngā Hua Kino	Tūtohunga hei whai
Te māmā/rerekē o te marū, toto rānei, Toto ihu He whero, he pango rānei te hamuti He whero, he pānga rānei te mimi Ānini, āmai, ka rerekē te kite, te kōrero rānei	Me wawe te kōrero atu ki tō rata
Ngenge, kiri kōmā Hēmanawa Mamae uma	Me kōrero atu ki tō rata
Ka mamae te puku	Me kōrero atu ki tō rata mēnā kei te mamae

Ki te pā mai ētahi atu hua kino, me kōrero atu ki tō rata, kaitaka rongoā rānei.

Ētahi atu mōhiohio:

- Me kōrero atu ki tō rata mēnā he raruraru ate, toto rānei ōu.
- Me kōrero atu ki tō rata mēnā kei te hapū koe, kei te whai rānei koe kia hapū koe, kei te whāngaiū rānei.
- He mea nui kia kōrero atu koe ki te hunga tuku whakamaimoatanga hauora, hauora niho rānei kei te kai *clopidogrel*.